

# **Ilanngussaqq O-3**

AIS 2014-ip pingajussaaneernejarnissaa pillugu.

**AIS 2014-ip pingajussaaneernejarnissaanut partiit allannguutissatut siunnersuutaat.**

Aningaasaqarnermut Akileraartarnermullu Ataatsimiititaliap pingajussaaneerinninnissamut ilassutitut isumaliutissiissutaani partiit aammalu Aningaasaqarnermut Akileraartarnermullu Ataatsimiititaliap pingajussaaneerinninnissamut allannguutissatut siunnersuutaat sammisanut ukununnga agguataagaapput.

Sammissaq 21 Pingajussaaneerinninnissamut Siumup Atassutillu allannguutissatut siunnersuutaat.

Sammissaq 22 Pingajussaaneerinninnissamut Inuit Ataqtigiit allannguutissatut siunnersuutaat.

Sammissaq 23 Pingajussaaneerinninnissamut Aningaasaqarnermut Akileraartarnermulu Ataatsimiititaliap allannguutissatut siunnersuutaat.

Siumut Atassullu allannguutissatut siunnersuutit arfinilinnik saqqummiussipput.  
Allannguutissatut siunnersuutit nr. 215-imit 221-mut.

Inuit Ataqtigiit allannguutissatut siunnersuutit sisamanik. Allannguutissatut siunnersuutit nr. 223-imit 226-mut.

Aningaasaqarnermut Akileraartarnermullu Ataatsimiititaliap allannguutissatut siunnersuummik ataatsimik saqqummiussivoq. Allannguutissatut siunnersuut 228.

Kiisalu Siumut Atassullu oqaasertaliussanut allannguutissatut siunnersuummik ataatsimik saqqummiussipput.

Allannguutissatut siunnersuut nr. 218 aamma allannguutissatut siunnersuut 227 imaqqanngillat.

**24.11.25 Avataani aalisarnermiit qaleralinnut akitsuut (Isertitatut aningaasaliissutit)**

Missingersuutit immikkoortiterneri

	AS 2014	M 2015	M 2016	M 2017
	-- 1.000 kr. --		---- mio. kr. ----	
Ilanngaaseereerluni isertitat	<b>-7.500</b>	-7,5	-7,5	-7,5

Kontomi pingaarnermi isertitassatut missingikkat ukiumut 7,5 mio. kr.-inik amerlineqassasut siunnersuutigineqarpoq.

Isertitassatut missingikkat amerlissutaat qalerallit akitsuusersukkat pisarineqartartut ukiuni aggersuni amerleriarnissaannik naatsorsuutiginninnermik ersersitsinerupput.

**24.11.26 Avaleraasartuunut akitsuut (Isertitatut aningaasaliissutit)****Missingersuutit immikkoortiteneri**

	<b>AS 2014</b>	M 2015	M 2016	M 2017
	-- 1.000 kr. --		---- mio. kr. ----	
Ilanngaaseereerluni isertitat	<b>-120.000</b>	0,0	0,0	0,0

Konto pingarneq nutaaq una aningaasaliinermi imatut tunngavilerlugu aningaasanut inatsisissatut siunnersuummut ilanngunneqassasoq qinnutigineqarpoq:

”

Tamanna pillugu immikkut inatsisitigut tunngavik naapertorlugu avaleraasartuunut akitsuut 2014-imi atuutsinneqalissaaq.

Avaleraasartuut misileraalluni pisassiissuteqartoqarneratigut aalisarneqartut inatsisissatut siunnersuutigisassaq naapertorlugu kilogramimut ataatsimut 2 kr.-imik akitsuuteqartinneqarnissaat naatsorsuutigineqarpoq. Avaleraasartuutininik misileraalluni 60.000 tonsinik 2014-imi pisassiissuteqartoqarpoq.

2015-imut tamatumalu kingorna ukiunut avaleraasartuunuk pisassiissutissat ilisimaneqanngillat, taamaattumillu 2014-imi isertitassat kisimik missingersuusiorneqarallarlutik.

**Suliassami kisitsisit**

(1.000 kr.-inngorlugit)

	N 2012	AI 2013	<b>AS 2014</b>	M 2015	M 2016	M 2017
Avaleraasartuunut akitsuut	-	0	<b>120.000</b>	0	0	0
Katillugit	-	0	<b>120.000</b>	0	0	0

”



Aningaasaqarnermut Akileraartarnermullu Ataatsimiititaliaq  
/MAANI

Bilag

### **Avaleraasartooriartarnerup akitsuuserneqartalernissaanik isumaliuteqarneq**

12. november 2013  
Sagsnr. 2013-082420  
Dok. Nr. 1389316

Avaleraasartuut akitsuuserneqarsinnaanerata pillugu Naalakkersuisut Siulittaasuata Aningaasaqarnermut Akileraartarnermullu Ataatsimiititaliamik isumasioqateqarnerata nanginneratut tamakku qanoq naapertuunnerpaamik qularnaarneqarsinnaanerata pillugu ataatsimiititaliap oqaloqatigeqqinneqarnissaa pisariaqarsorineqarpoq.

Postboks 1037  
3900 Nuuk  
Tlf. (+299) 34 50 00  
Fax (+299) 32 46 14  
E-mail: oed@nanoq.gl  
www.nanoq.gl

### **Tunuliaqutaa**

Piffissaq avaleraasartooriarfiusoq juulip qaammataata aallartinnerata missaanit sap.ak. qulit aqqaneq marlulluunniit sivilissuseqartarpoq. Taamaattumik aalisarnissamut akuersissuteqartartut avaleraasartooriarnissamut angallatinik aamma/imaluunniit atortunik naleqquttunik pisiortornissamut mianersortariaqarput. Pisassiissutinik agguaasarnermi, akuersissummik peqartut aningaasalersuineranni aalisarusussutilluunniit inissisimane-rani annertuumik allannguuteqartitsisoqanngippat avaleraasartooritassat ilarpassuisa angallatinik nunanit allaneersunik attartukkanik aalisarneaqaannarnissaat naatsorsuutigineqarpoq.

Angallatinik nunanit allaneersunik attartoriaatsimi paasinarsisimavoq maanna avaleraasartooriarnermi annikinngitsumik iluanaaruteqartoqartartoq. Tamatuma kinguneraa umiarsuaatillit nunanit allaneersut akuersissummillu peqartuusut aalisarnermit iluanaaruteqarnissaannut "akissaqartoqarnera".

Taamaattumik kalaallit angallataataannik kalaallinik inuttalinnik avaleraasartooriarnermut atatillugu nunatta karsiata iluanaaruteqataaalluartinneqarnissaa naapertuutissaaq. Taamatut aalisarneq akileraarutininik A-nik ingerlatseqatigiiffiillu akileraarutaannik isertitaqarfiusarmat attartornissamik isumaqatigiissuteqarnerinnakkut akileraaruteqartitsinermit tunngatillugu ernianik akileraarusersuinerup mianersortumik oqilisaaffigineqarnissaannut pissutissaqarpoq.

Avaleraasartooriarnermut akitsuutit annertussusilerneqarneranni kalaallit angallataataannik kalaallinik inuttalinnik avaleraasartoorialernissap akornuserneqannginnissaa, taamatullu angallatinut nunanit allaneersunut akitsuutigitinneqartup taakku pisassinneqarnissamik neqeroorfigineqartillutik aalisarnissamut kajumikkunnaarutigisinnaasaannik annertussusilerneqannginnissaa pingaaruteqarpoq.

Kiisalu malugeqqussallugu pingaaruteqarpoq suli aalisarlualertoqanngimmat pisuussutitullu qularnaatsumik suli tunngavissaqanngimmat. Taamaattumik taamatut akitsuuteqartitsinermit ataavartumik iluanaaruteqarluarnissamut aningaasaqarnikkut ingerlatsiler-nissaaq nalorninarloqassaaq.

### **Inatsisitigut tunngavigisaaq**

Avaleraasartooriarnermut akitsuusiinissamut ullumikkut aalisarneq pillugu inatsisikkut akitsuutilluunniit pillugit inatsisikkut tunngavissaqanngilaq.

Taamatut akitsuuteqartitsilernissaq kissaatigineqarmat akitsuuteqartitsilinnginnermi tamatumunnga inatsisitigut tunngavissiisoqassaaq. Tamatumani aallaavittut akitsuutit pillugit nutaamik inatsisiliortoqartariaqarpoq, soorlu raajanut qaleralinnullu akitsuuteqartitsilernermissuulli.

UKA 2013-imi taamatut akitsuutit pillugit inatsisiliornissaq inatsimillu akuersissuteqarnissaq angumerineqarsinnaanngilaq. Akerlianik nunatta karsianut iluanaaruteqartitsinissaq 2014-imut qularnaarneqarsinnaanngorlugu UPA 2014-imi taamaattumik akuersissuteqartitsiniarnissaq aalisarnerullu 2014-imi aallartinnginnerani atuutilersitsinissaq pivusorsiorlunilu angusaqarluarniarnerussaaq. Tamatumuuna umiarsuaatillit nunatta karsianut naapertuuttumik iluanaaruteqartitsillutik aalisarusulersinniarlugit inuussutissarsiummik pineqartumik ingerlataqartut peqatigalugit akitsuutip naapertuuttumik annertussilerneqarnissaa pillugu oqaloqatigiinnissaq piffissaqarfigineqassaaq. Taama iliornikkut nunatsinni avaleraasartoorialernissamut periarfissiisoqassaaq.

Periusissaaq Naalakkersuisunit siunnersuutigineqartooq malillugu inatsisissatut siunnersuutip tusarniaassutigineqarnissaanut Inatsisartunilu ataatsimiititaliami suliarineqarnissaanut piffissaliisoqassaaq. Taamatut periuseqarnissaq Naalakkersuisut AIS 2014-ip pingajussaaneerneqarnissaanut allannguutissatut siunnersuutaanni, ukiumut (ilanngaa- sernagit) 15 mio. kr.-inik isertitassatut sillimmateqarfiusumi, missingersuutit pillugit inatsit naapertorlugu mianersortumik missingersuutigineqartumi siunniunneqarpoq.

UKA 2013-imi taamatut akitsuuteqartitsilernissamut tunngavissiinissaq Inatsisartunit pingaartinneqaqippat tamanna aalajangersimasumik annertussusilikkamik akitsuuteqartitsinissamut inatsisitigut toqqaannartumik tunngavissiisumik oqaasertaliussinikkut pingajussaaneerinninnissamut allannguutissatut siunnersuummik akuersinikkut tunngaviatigut pisinnaavoq.

Taamatut periaaseqarneq makkuninnga isumaliuteqalersitsivoq:

1. Oqaasertaliussinikkut taamaallaat (sivikitsuinnarmik) suliarinnittoqassaaq, taamatullu aamma tamatumunnga tusarniaasoqaqqaartariaqarani sukumiisumillu inatsisilerisoqartariaqarani, inatsisilerinnermi pitsaasumik periuseqarnertut.
2. Tamanna oqaasertaliussani akitsuutit pillugit inatsisitaaniittussaagaluartunik ilanngussisannginnissaq pillugu Aningaasaqarnermut Naalakkersuisoqarfimmi Inatsisileriffimmit Aningaasaqarnermullu Ataatsimiititaliamit ukiuni kingullerni ilungersuuteqarnermut akerliulluinnassaaq.
3. Akitsuutit annertussilerneqarnissaasa inuussutissarsiummik ingerlataqartut peqatigalugit eqqartorneqarnissaa angumerineqarsinnaassanngilaq, taamaammallu Naalakkersuisut (Inatsisartullu) inatsisiliupallattutut, kiisalu tunngaviumik atugassaqartitsineq aalisarnermillu inuussutissarsiteqarnermik ineriartortitsinissamut kajumissusiiasutut qularnanngitsumik isornartorsiorneqalissallutik.
4. Taamaattumik periuseq eqqumaffigineqartorujussuussaaq naalakkersuisullu ingerlatsinerannik pitsaanngitsumik oqallissutaalissalluni tamannalu aalisarnermi aammali inuussutissarsiuutini ineriartortuni allani, taakkununnga ilanngullugu

aatsitassanut tunngasunik ineriartortitsinerimi aningaasalersuisoqarnera pitsaanngitsumik sunnerneqarsinnaalluni.

5. Inuussutissarsiummik ingerlataqartunik oqaloqateqannginnerup misissueqqis-saareernerillu kingunerisaannik qaffasippallaammik aalajangiisoqarpat (kiilumut 2 kr.-it taaneqarsimapput) pisassiissutit atorluarneqarnissaat pilerinarunnaarsin-neqarsinnaavoq taamaalillunilu aalisarneq aallartinngilluaannarsinnaalluni aal-lartilaaginnarsinnaalluniluunniit. Taamaattumik iluanaarutissatut naatsorsuutigi-neqartut taamatulli pissarsiarinngitsoorneqarsinnaapput nunattalu karsiani ami-gaataalerlutik.
6. Kiilumut 2 kr.-ersuarnik akitsuusiineq suunngitsuinnarmik tunngaveqassaaq, kii-salu nassuiaruminaallunilu illersoruminaassalluni.
7. Oqaasertaliussat 2014-imuinnaq atuutissapput taamaattumik qanorluunniit piso-qaraluarpat 2014-imut akitsuutit pillugit inatsisivimmik suliaqartoqassaaq. Taa-maattumik kaammattuutigineqartup, tassalu UPA 2014-imi inatsisissatut siun-nersuummik akuersinissap naammassineqarnissaanut tunngatillugu maanna tunngavigineqartut aqputigalugit oqaasertaliussinissaq iluaqutissartaqarsorine-qanngilaq.

#### **Inerniliineq**

Ataatsimut isigalugu 2014-imi 120 mio. kr.-inik iluanaaruteqaataasussatut naatsorsuu-tigineqartumik avaleraasartooriarnermut akitsuusiinissamut oqaasertaliussat aqputiga-lugit tunngavissiiinissaq nalinginnaanngilluinnartutut naapertuutinngilluinnartutullu isigi-neqarpoq. Taamaattumik Naalakkersuisut AIS 2014-imi isertitassatut sillimmatinik piler-sitsinissamik allannguutissatut siunnersuutaata kiisalu AI 2014-imi inatsisissatut siunnersuutivimmik saqqummiussinissamik pilersaarut aalajangiusimaneqartussatut kaammattuutigineqarput.

Allannguutissatut siunnersuutigineqartoq ukiumut 15 mio. kr.-inik iluanaaruteqarfius-saaq, taakkunannga 5 mio. kr.-it avaleraasartooriarnernerup aamma nunanut allanut illersorneqarnissaanut misissuisariaqarnerit aningaasalersorneqarnissaannut taamaalil-lunilu siunissami aalisarnissamut pisinnaatitaaffeqarnissatta qularnaarneqarnissaanut atorneqartussatut naatsorsuutigineqarlutik. Taamaalilluni allannguutissatut siunnersuutip ukiumut 10 mio. kr.-it ilanngaaseereerluni sunniutigissavai.

UKA2014-imi inatsisissatut siunnersuuteqarnissaq sioqqullugu misissueqqissaarnissaq inuussutissarsiummillu ingerlataqartunik oqaloqatiginninnissaq maanna aningaasanut inatsimmut siunnersuutigineqartumut ilanngunneqartunit annerusumik iluanaaruteqaa-taasussatut takussusiisinnaavoq. Tamatumani ilaatigut aalisarnermi aningaasaqar-nermik misissueqqissaarnerit nunatsinnilu usigineqarsinnaasut qanoq annertutigisut avaleraasartooriarnermut ilanngunneqarsinnaaneri apeqqutaassapput.

Inussiarnersumik inuulluaqqusillunga

  
Vittus Qujaukitsoq

**40.01.08 Ilinniartitaanermut pilersaarut kiisalu ilinniartitaanerup immikkut ittumik suliniuteqarfigineqarnera (Tapiissutitut aningaasaliissutit)**

Missingersuutit immikkoortitereri

	AS 2014	M 2015	M 2016	M 2017
	-- 1.000 kr. --		---- mio. kr. ----	
Ilanngaaseereerluni aningaasartuutit	<b>1000</b>	0,0	0,0	0,0

Aningaasaliissutit 2014-imi 1 mio. kr.-inik amerlineqarnissaat siunnersuutigineqarpoq. Taakku kontop pingaarnep iluani ilinniartitaanikkut suliniutinut atorneqassapput.

Ilinniartitaanermut pilersaarummi immikkoortut ataasiakkaat piviusunngortinneqarnissaannut atatillugu aningaasat atugassanngortinneqarnissaat naatsorsuutigineqarpoq.

Allannguut una suliassami kisitsisini ilanngunneqassaaq:

<b>Suliassami kisitsisit</b> (1.000 kr.-inngorlugit)	N 2012	AI 2013	AS 2014	M 2015	M 2016	M 2017
5 ) Taamaatitsiinnartarnerit	-	0	<b>1000</b>	0	0	0
Katillugit	-	0	<b>1000</b>	0	0	0



**50.01.01 Aalisarnermut, Piniarnermut Nunalerinermullu Naalakkersuisoqarfik  
(Ingerlatsinermit aningaasaliissutit)**

Missingersuutit immikkoortitereri

	<b>AS 2014</b>	<b>M 2015</b>	<b>M 2016</b>	<b>M 2017</b>
	-- 1.000 kr. --		---- mio. kr. ----	
<u>Aningaasartuutit allat</u>	-1.000	0,0	0,0	0,0
<u>Ilanngaaseereerluni aningaasartuutit</u>	<b>-1.000</b>	0,0	0,0	0,0

Aalisarneq pillugu 2014-imi ataatsimeersuarnissamut kontomi pingaarnermi matumani 2,4 mio. kr.-inik aningaasaliissuteqarnissaq AIS 2014-ip aappassaaneerreqarnerani siunnersuutigineqarpoq.

Aningaasaliissutit taakku 1 mio. kr.-inik ikilineqarnissaat Aningaasaqarnermut Ataatsimiititaliamit siunnersuutigineqarpoq, taakkulu ilinniartitaanikkut immikkoortumut tunngasuni suliniutinut atorneqarnissaat siunnersuutigineqarpoq.

**50.01.18 Ingerlatsinissamik isumaqatigiissutit, tunisassiorfiit (Tapiissutitut aningaasaliissutit)**

Missingersuutit immikkoortiterneri

	AS 2014	M 2015	M 2016	M 2017
	-- 1.000 kr. --		---- mio. kr. ----	
Ilanngaaseereerluni aningaasartuutit	<b>5.000</b>	5,0	5,0	5,0

Kontomi pingaarnermi matumani aningaasaliissutit tunisassiorfinnut tapiissutitut atorpeqassapput, taamaa iliornikkut aalisarnermi piniarnermilu suliffissaqarnikkut suliaasaqartitsinikkullu inissisimaneq kiisalu nunaqarfinni illoqarfinnilu mikinerusuni aalajangersimasuni suliaasatigut allanik periarfissaqanngitsuni tunisassiorfinni tunisassiorneq siuarsarneqassaaq qulakkeerneqarlunilu.

Tapiissutit sullissinissamik isumaqatigiissut ukiut ataasiakkaarlugit Naalackersuisunit isumaqatigiissutigineqartartoq tunngavigalugu tapiissutit tunniunneqartassapput.

Nunaqarfiit illoqarfiillu mikinerusut sorliit pineqarnersut sullissinissamik isumaqatigiissummi aalajangersarneqartassapput.

Kontop pingaarnernerup atuuffiata iluani sullissinissamik nutaanik isumaqatigiissutit pillugit Inatsisartut Aalisarnermut, Piniarnermut Nunalerinermullu Ataatsimiititaliaat kiisalu Inatsisartut Aningaasaqarnermut Akileraartarnermullu Ataatsimiititaliaat ilisimatinneqartassapput.

**87.72.23 Inissialiortiternermut tapersiissutit, iluarsaassinissamut tapiissutit  
(Sanaartornermut aningaasaliissutit)**

Missingersuutit immikkoortiterner

	AS 2014	M 2015	M 2016	M 2017
	-- 1.000 kr. --		---- mio. kr. ----	
Ilanngaaseereerluni anigaasartuutit	<b>2.800</b>	2,8	2,8	2,8

Kontomi pingaarnermi aningaasaliissutit ukiumi aningaasanut inatsiseqarfiusumi taamatullu ukiuni missingersuusiorfiusuni tamani 2,8 mio. kr.-inik amerlineqarnissaat siunnersuutigineqarpoq.

Missingersuutitut ilanngussami suliassat immikkoortiternerisa siuliani oqaasertat uku ilanngunneqassapput:

”2014-imi aningaasanut inatsisissatut siunnersuutip pingajussaaneernejarnerani aningaasaliissutit ukiumut 2,8 mio kr.-inik amerlineqaqqipput. Taamaalilluni taarsigassarsisunut isertitakinneq pissutigalugu, taamaattumillu konto pingaarneq 87.72.21, inissialiortiternermut tapiissutit, iluarsartuussinissamut aamma immikkut ittumik aserfallatsaaliuinissamut taarsigassarsiat aqqutigalugit taarsigassarsitinneqarsinnaanngitsunut, katillugit 5,1 mio. kr.-it ukiumut taarsigassarsiaritinneqarsinnaapput.

Taamaaliornikkut Namminersorlutik Oqartussat illuutitut qularnaveeqquteqarnissaat qulakkeerniarneqarpoq, tassami aserfallatsaaliinermut aningaasassaqaannginneq pissutigalugu BSU-mit illut amerlasuut aserfallattarmata.”

Konto pingaarnermut 24.11.26-imut Avaleraasartuunut akitsuummut oqaasertaliussamut nutaamut MISSINGIUT

### **Konto pingaarnermut 24.11.26-imut Avaleraasartuunut akitsuut**

Avaleraasartuunut nunatta imartaani pisarineqartunut kilomut ataatsimut 2,00 kr.-inik akitsuuteqartitsinissamut Naalakkersuisut piginnaatinneqarput. Aalisagaq pisassiissutit imaluunniit misileraalluni aalisarnerup ilaatut pisarineqarnersoq apeqqutaanngilaq.

Qalerallit avataasiorluni aalisarnermi pisarineqartut akitsuutaat pillugu Inatsisartut inatsisaat nr. 11, 3. december 2012-imeersoq kingusinnerusukkullu allannguutitaqartoq taamaaqataanik atuutissaaq, tassunga ilanngullugit Inatsisartut inatsisaanni §§ 8-9-mi pineqaatissiinermut aalajangersakkat, akitsuummut tunngavigineqartup kingusinaarluni nalunaarutigineqarneranut akiliut pillugu Inatsisartut inatsisaanni § 4, imm. 4-mi aalajangersagaq kiisalu maleruagassanik erseqqinnerusunik aalajangersaanissamut Inatsisartut inatsisaanni § 6-imi piginnaatitsissut.

Taamaattorli akitsuutip annertussusissaa naatsorsuiner Mullu tunngavigisaq pillugit Inatsisartut inatsisaanni § 3 kiisalu § 7-imi akitsuummik akiliisussaataitaannginneq taamaaqataanik atuutissanngillat.

Piginnaatitsissut una qaammatsiutit ukiuanni 2014-imi aalisarnermut atuuppoq.

### **Konto pingaarnermut 24.11.26-imut oqaasertaliussamut nassuiaatit**

Avaleraasartuunut akitsuut pillugu inatsisissatut siunnersuummik Inatsisartut 2014-imi upernaakkut ataatsimiinneranni saqqummiussisoqarnissaa naatsorsuutigineqarpoq. Akitsuut pillugu inatsisip akuerineqarnissaata tungaanut akitsuummik akileeqqusinissamut inatsisitigut tunngavissaqarnissap qulakkeernissaa siunertaralugu oqaasertaliussaq una AI 2014-imut ilanngunneqarpoq.

Avaleraasartuunut akitsuut pillugu Inatsisartut inatsisaata akuerineqarnissaata tungaanut qalerallit avataasiorluni aalisarnermi pisarineqartut akitsuutaat pillugu Inatsisartut inatsisaanni atuuttumi aammalu UKA 2013-imi allanngortinneqartumi aalajangersakkat malillugit avaleraasartuunut akitsuut aqunneqarlunilu akileqquneqartassaaq. Taamaattorli uuliap akiata nikerarneranut aammalu aalisakkap akiata nikerarneranut sanilliullugu avaleraasartuunut akitsuut iluarsiivigineqartassanngilaq, tamatumani qalerallit avataasiorluni aalisarnermi pisarineqartut akitsuutaat pillugu Inatsisartut inatsisaanni § 3 atuutissanani. Taamaaliornikkut avaleraasartuunut akitsuummik nikerartumik annertussusiligaasumik atuutsitsilernissaaq kingusinnerusukkut kissaatigineqassanersoq isummerfigineqanngilaq. Taamaalillunilu maanna aaqqiissut ikaarsaariarnermi aaqqiissutissatut taamaallaat toqqarneqarpoq. Aammattaaq § 7-imi aalajangersakkap piginnaatitsissummut matumunnga ilaatinneqannginnissaa naapertuuttutut isigineqarpoq, tassami nunatta imartaani

avaleraasartuunik aalisarneq misileraatitut pisassiissutit aqutigalugit maanna  
ingerlanneqarmat.

Oqaasertaliussaq nutaajuvoq.

**10.19.07 Inuit Circumpolar Council (Tapiissutitut aningaasaliissutit)**Missingersuutit immikkoortiterneri

	<b>AS 2014</b>	<b>M 2015</b>	<b>M 2016</b>	<b>M 2017</b>
	-- 1.000 kr. --		---- mio. kr. ----	
<u>Ilanngaaseereerluni</u> <u>anigaasartuutit</u>	<b>1.000</b>	-0,0	-0,0	-0,0

Aningaasaliissutit 2014-imi 1,0 mio. kr.-inik amerlineqassasut Inuit Ataqatigiinnit siunnersuutigineqarpoq.

**50.01.01 Aalisarnermut, Piniarnermut Nunalerinermullu Naalakkersuisoqarfik, allaffissorneq (Ingerlatsinerneq aningaasaliissutit)**

Missingersuutit immikkoortiterneq

	AS 2014	M 2015	M 2016	M 2017
	-- 1.000 kr. --		---- mio. kr. ----	
Ilanngaaseereerluni aningaasartuutit	<b>-1.000</b>	-0,0	-0,0	-0,0
Aningaasartuutit allat	<b>-1.000</b>	-0,0	-0,0	-0,0

Inunnik 85-inik peqataaffigineqartumik isumasioqatigiinnermut 2,63 mio. kr.-it atorniarneqarnissaat ingasappallaarujussuortoq Inuit Ataqatigiit isumaqarput. Taamaattumik aningaasaliissutit 2014-imi 1,0 mio. kr.-inik ikilineqassasut Inuit Ataqatigiinnit siunnersuutigineqarpoq.

**50.06.50 Aalisarnermi aningaasaliissutitut immikkoortitat (Tapiissutitut aningaasaliissutit)**

**Missingersuutit immikkoortitineri**

	<b>AS 2014</b>	<b>M 2015</b>	<b>M 2016</b>	<b>M 2017</b>
	-- 1.000 kr. --		---- mio. kr. ----	
Ilanngaaseereerluni aningaasartuutit	<b>1.000</b>	-0,0	-0,0	-0,0

2013-imi 4,232 mio. kr.-it missaanniittut atorneqarnaviangitsut ilimagineqartoq, taakkulu 2014-  
imut immikkoortinneqartut Naalakkersuisunit paasisutissiissutigineqarpoq.

Naalakkersuisut allannguutissatut siunnersuutaat itigartinneqassasoq Inuit Ataqtigiinnit  
inassutigineqarpoq.

Tamatumunnga taarsiullugu 2014-imi amigartoorutit ikilineqarnissaat siunertaralugu aningaasat  
Nunatta Karsianut utertinneqassasut allannguutissatut siunnersuutikkut ugguuna Inuit  
Ataqtigiinnit siunnersuutigineqarpoq.

Tamatuma peqatigisaanik oqaasertat uku missingersuutitut ilanngussami immikkoortutut  
kingullertut ilanngunneqassasut Inuit Ataqtigiinnit siunnersuutigineqarpoq:

”Aalisarnermi aningaasaliissutitut immikkoortitat atorneqarsinnaanerat aammalu aalisariutitik  
isaterinermut tapiiffigineqarsinnaaneq pillugit paasisitsiniaanermut aningaasartuutit aningaasanit  
immikkoortitanit akilerneqarsinnaapput.”



**64.13.25 Suliffissaaleqisunut immikkut ittumik iliuseqarneq (Tapiissutitut aningaasaliissutit)**

Missingersuutit immikkoortiterneri

	<u>AS 2014</u>	<u>M 2015</u>	<u>M 2016</u>	<u>M 2017</u>
	-- 1.000 kr. --		---- mio. kr. ----	
Ilanngaaseereerluni anigaasartuutit	<b>0</b>	0,0	0,0	0,0

Oqaasertat uku missingersuutitut ilanngussami immikkoortutut kingullertut ilanngunneqassasut Inuit Ataqtigiinnit siunnersuutigineqarpoq:

”Aningaasaliissutinit 2 mio. kr.-it 2014-imi isumaginninnikkut iliutsinut suliffissaaleqisut sulilernissamut periarfissaannik pitsanngorsaataasinnaasunut immikkut atugassanngortinneqassapput. Taakku assersuutigalugu tassaasinnaallutik katsorsartinnissamik neqeroorutit imaluunniit sulilernissamik siunertaqartumik orniguttarfinnik pilersitsineq.”

**40.95.01 Kulturimut tapiissutit allat (Tapiissutitut aningaasaliissutit)**

Missingersuutit immikkoortiterneri

	AS 2014	M 2015	M 2016	M 2017
	-- 1.000 kr. --		---- mio. kr. ----	
Ilanngaaseereerluni aningaasartuutit	<b>250</b>	0,3	0,3	0,3

Allannguutissatut siunnersuut manna aqutigalugu qimussimik sukkaniunnissanut peqataasarnissaq qulakkeerniarlugu qimussertartut kattuffianut aningaasaliisoqarniarpoq.

Immikkoortoq kinguliani allassimasoq missingersuutitut ilanngussani naggasiutitut ilanngunneqarnissaa qinnutigineqarpoq:

"

AIS 2014-ip pingajussaaneerpeqarnerani kontomut pingaarnermut matumunnga aningaasaliissutit 250.000 kr.-inik amerlineqarput. Qimussimik sukkaniunnermut atatillugu aningaasartuutit akilerneqareersut uppersaatitaqartullu utertinneqarnissaannik qinnuteqartoqarneratigut tapiissutit atorpeqarsinnaapput. Tamatumani assersuutigalugu pineqartut tassaasinnaapput Avannaata Qimussersuata ingerlanneqarneranut atatillugu qimussit qimmillu timmisartumik assartorneqarnerannut aningaasartuutit utertinneqarnerat.

"

Allannguutit matuma kingulianiittut tabelimut ilanngunneqarnissaat qinnutigineqarpoq:

**Suliassami kisitsisit**

(Agguaassineq 1.000 kr.)	N 2012	AI 2013	AS 2014	M 2015	M 2016	M 2017
Qimussertartut peqatigiiffii	-	0	<b>250</b>	250	250	250
Katillugit	-	0	<b>250</b>	250	250	250